



10514

寧澹齋全集總目

文部

卷之一

制策

表

疏

程表

程策

卷之二

寧澹齋全集

總目

序一

卷之三

序二

卷之四


序三

卷之五

記

卷之六

墓碑墓表



墓誌銘

卷之七

行狀

行畧

傳

卷之八

祭文

附刻

制語

寧澹齋全集

銘課

留芳錄

寧澹齋全集卷之一目錄

文部

制策

及第謝 恩表

請 東宮出閣講學疏

請舉 瑞王婚禮疏

請告疏

繳 節請告疏

擬 上視朝畢御武英殿與侍臣語及禮

寧澹齋全集 卷一

記月令因諭政貴以時脩舉與實惠及

民謝表

宜德五年 鄉試

萬曆乙卯科順天

策一問

萬曆乙卯科順天鄉試

策一問

萬曆乙卯科順天鄉試

寧澹齋全集卷之一

句章楊守勤克之甫著

制策

皇帝制曰朕惟自古帝王之治至無爲尚矣豈
其主神聖莫及而能以一人獨運成功無
亦下有忠勤任事者爲之共念分猷臣代
其勞而主乃享其逸歟帝王無爲莫如堯
舜夷考當時荒度樹藝虞衡之臣胼胝不
顧身過門不顧家卽列在巖廊而夙夜惟
寧澹齋全集卷之一
寅思日孜孜則彼左右宣力如四岳九官
十二牧勞可知也故二帝不過率作爾省
成爾而庶事康萬幾理夫非臣之力歟洪
惟我

太祖高皇帝肇造區宇瑩精太平嘗

諭廷臣曰朕觀書以元首喻君股肱喻臣自古

君臣本同一體君獨用則臣職廢臣不任

則君事勞

諭外臣曰賢臣之事君也視君如親視國如家

視民如子凡可以安國家利民人者知無不爲若避難而憚勞則事不立矣以

太祖神聖而所求乎臣者如此惟時賢智効勞股肱畢力業俾助華世濟唐虞有以也諸士亦能揚厲其盛歟朕祇適

先猷精思上理比年以來雖以殿門未建深居靜攝而幾務常親章奏畢覽兢業一念何嘗斯須少弛于懷乃心勤而事左志切而效疏吏治日媮民生日蹙士習日詭風俗寧澹齋全集卷之二
日澆帑藏日虛行伍日耗姦宄日長災禔日聞其故安在無亦邇來浮虛習勝翫惕弊滋如

聖祖所謂避難憚勞者多而殫忠竭勤爲國家任事者少歟朕見人臣自爲謀鮮不臧者謀國則否自拮据其家事無愛力而讓能者幹國則息此何說也今欲責成士夫各攄乃心力爲朕任事俾吏稱民安士醇俗愿儲盈伍實姦息稜銷肆予一人垂拱仰

成庶幾無爲之治何道而可爾多士其正
言之毋諱

臣對臣聞帝王之理天下也必其君有委
任責成之實心而後能使羣工翼勵以收
奮庸熙亮之鴻功必其臣有竭忠宣力之
實念而後能使人一垂拱以享和平清淨
之盛治何也人君之所與分猷而共理者
臣也人臣之所爲環向而效忠者君也君
不任人則無以獨運而成功故必慎選天

下之賢材以布列於庶位而無以臆斷廢
委用之誠無以縉纓先推心之諛斯可以
率作省成而得人人各罄其心力以抒九
重望治之思臣不竭忠則何以盡職而共
位故必俯殫生平之智力以畢致於當官
而無以身圖弛報主之義無以內顧忘許
國之貞斯可以弼工釐績而俾事事咸協
於脩理以奏萬方寧謐之化故明盛之世
其君不自以其心爲心而務體臣子懷赤

自獻之心以爲心則委信專而人皆得以
展布其四體其臣亦不自以其心爲心而
務體大君虛懷側席之心以爲心則圖報
切而君始得以坐享其幾康當其時上有
元首維明之頌而不聞有督責之名臣有
股肱維良之稱而不聞有尸素之誚鉅細
畢舉朝野同風而無爲之治曼絕千古良
有以也此非

今日安望哉欽惟

寧澹齋全集

卷之一

皇帝陛下

英資天縱秉仁義禮智之全

至德性成建中和位育之極

嚴天戒而恐懼脩省之意時勤

軫民艱而賑恤矜全之恩恒溥

慈孝兼弘以莫大猷而畫倫畫物之規立隆

於萬世

文武並用以綏長治而來同來享之軌遍訖

於遐荒

德澤與雨露同其淪濡而衆志之允懷者所
在塗歌而巷舞

光明與日月同其煇耀而姦萌之懾息者靡
不現見而雪消以此孚於有位鼓舞庶寮
固將使束躬直己之風布滿於序列朝虔
夕惕之誼競奮於臣鄰矣乃猶以浮虛之
習日勝翫愒之弊日滋而欲觀帝王無爲
之化特進諸士於

廷俯賜

寧澹齋全集

卷之一

五

清問惕焉咨所以任人弘化之方黜浮整玩之
術而遠追唐虞之烈近邁

太祖之謨臣有以仰窺

純衷思治雖泰寧有象而不忘得人敷治之懷
豐豫無虞而不忘倡率考成之念臣雖草
茅賤士然伏觀吏治民生之媿感士習風
俗之詭澆帑藏行伍之虛耗姦宄災祲之
薦聞每欲一效芹曝而無繇敢不披瀝以
對臣聞君一天也天有無窮之大化而不

能以自運必藉日月星辰風雨露雷四時
之職五行之吏各司其令各宣其氣而後
歲功以週品物以遂無或有壅闕湫底其
間者而天始成其清虛浩蕩君有無窮之
治理而勢難以自給必待心膂手足庶司
百府承流之臣奔走之佐共致其身共畢
其分而後五辰時撫衆度具貞無或有委
頓叢挫其間者而君始克以拱揖受成故
君而不虛心用賢倡始聯屬以作忠非所

以體天而宏默燮之功也臣而不君爾忘
身國爾忘家以副托非所以報主而懋代
終之義也稽古唐虞之際君兢兢業業不
忘其咨傲余之慮以下資其臣而臣閔閔
師師各體獨憂敷治之心以共臻於理維
時禹任荒度稷任樹藝益任虞衡上之所
以因材而授任者一何專也而胼胝不恤
三過不入身家不顧下之所以宣力而分
猷者又何篤也故九官岳牧之徒罔不夙

夜勤勞以法巖廊維寅之志而庶正萬幾
罔不率屬阜成以擴時雍風動之化人知
巍巍蕩蕩堯舜之治萬古莫及而不知其
上下一心以成此實效爾洪惟我

太祖高皇帝肇造區夏以恢混一之勲瑩精太
平以垂萬禩之業而於任人一事尤倦倦
焉嘗

諭廷臣曰朕觀書以元首喻君股肱喻臣自古
君臣本同一體君獨用則臣職廢臣不任
寧澹齋全集卷之一
則君事勞洋洋

聖謨交警之思弗切於此矣嘗

諭外臣曰賢臣之事君也視君如親視國如家
視民如子凡可以安國家利民人者知無
不爲若避難而憚勞則事不立矣煌煌

懿訓屢省之旨弗嚴於此矣是以當時賢智僉
竭其慮文武悉殫其能吏治民安而釀成
一道遵路之盛儲盈伍實而潛消人妖天
變之萌卽業倖勳華世躋熙皞非偶然矣

嗣我

皇上注思上理躬先大政以致隆平者已踰三
紀於茲比年以來雖

深居中禁而幾務之裁決未嘗不親雖

靜攝凝神而章奏之批宣未始或輟固宐靖共
爾位輻奏効忠者遍中外而事顧相左效
乃闕踈其故何也無亦避難憚勞者多而
殫忠竭勤者鮮歟臣以爲人君辨官任事
位曰天位職曰天職祿曰天祿業已不私

寧澹齋全集

卷之一

其有以與臣共而人臣析圭擔爵肢體非
吾有肝膽非吾有血氣非吾有豈得自便
其私以不爲君用故以自爲身謀之心謀
國則利害必悉終始必慎矣以自爲家計
之心幹國則綜理必周救寧必密矣惟身
家之念重而忠薰之念分故吏治嘗醇矣
而積薪自棄碩鼠願甘則弊在鮮廉耻而
墮簞簋也儻亦砥懸魚瘞鹿之節而奉法
循理以勵之乎民生嘗裕矣而萋楚是樂

鴻鴈興歌則患在苦繭絲而疎撫字也儻亦嚴政虎賦蛇之戒而蠲煩去苛以綏之乎士習自端而趨詭則董率者非也誠先器識而後文藝而竒衰者黜躁競者黜則詭可使正矣風俗自朴而之澆則砥柱者少也誠尚節儉而抑淫靡而僭踰者法囂陵者法則澆可使質矣會計之臣非乏也而帑藏日虛是在清廉之人不難以身任怨而公私必核上下必稽庶足酌盈而濟

虛乎緹騎之籍非減也而行伍日耗是在嚴翼之人不難以身任事而老弱必汰虛冒必清庶足震嬉而起懦乎姦宄有所窺伺而生則各敬爾身以彈之者容可已也災稜有以相感而集則昭假無羸以消之者容可射也夫如是則自靖自獻之忱不愧於古人而無有惰窳處罅之失以玷官常匪躬匪懈之操可質於衾影而無有負乘覆餗之弊以虛委寄斯不亦忘身忘家

者所空爾乎而要之此臣之所以任事也
非君之所以任人也夫任人者而寧惟是
憲憲焉聽其泄沓觀望縮朒不事爲哉又
寧惟是斤斤焉厲其威嚴法制日事屑瑟
爲哉盖有所以握先勞之本焉而未可空
文藉也有所以神鼓鬯之機焉而非可清
淨理也故欲人之無浮夸莫若先之以實
欲人之無翫愒莫若先之以勤有如廣厦
細旃之上事所必行者斷斷行之而無牽

寧澹齋全集

卷之一

旁落事所必已者汲汲已之而無徂因循
則仰興利除害之政者方快心揖志以樂
與更始而誰不以實應也清廟明堂之中
事關欽若者翼翼躬虔而無委代攝事關
裁酌者孜孜臨蒞而無尚聲聞則仰畏天
勤民之慮者方赤衷白意以競相淬勵而
誰不以勤應也盖君不私其家而以天下
爲一家故臣罔敢營其家君不私其身而
通天下爲一身故臣罔敢暱其身是謂率

作省成之實心與彌工釐績之實念交孚
共協以濟於理意我

皇上所以遠追唐虞卽隆之風永延

太祖昇平之業者端在斯乎而抑臣尤有

獻焉以臣之卑其仰而願忠於君也恒無窮
而或苦於志意之約結形跡之避忌以君
之尊其俯而通情於臣也恒甚易而何靳
於便宐之是假體悉之是優以今

皇上神聖廓然顯明其道若揭日月而行天豎

寧澹齋全集

卷之二

十一

金石而布令以消中睽外疑之端而又盡
捐其聰明務寬其文法以開安位行志之
路彼任事之臣有不棄家急公危身體國
以緩宵旰之憂者臣弗之信也而官人必
先於知人知人尤本於清心伏惟

陛下澄神慎德以大公好公惡之源且

疇咨晉接以純勿貳勿疑之矩則用必當事事

必當功而其凝之象立見於清時惟不暇

逸乃能自逸而端拱之化永傳於奕世尚

何有於咸五登三而綿曆數於無算也哉
臣愚不識忘諱干冒

宸嚴無任戰慄隕越之至臣謹對

寧澹齋全集

卷之一

七

表

及第謝恩表

伏以

運曆重熙千載協階符之兆人文增賁萬方

瞻梧鳳之期臨

楓陛而廣闢彙征冠璇魁而寵膺臚唱榮浮

素望感溢丹衷循省何堪震惶莫措茲蓋

伏遇

皇帝陛下

寧澹齋全集

卷之一

十三

聰明首出

文武兼資

契玄默以登三

持滿盈而用九

乾綱總攬社城屏狐鼠之蹤捷伐肆張山海

築鯨鯢之觀

踐祚更三紀懋王仁必世之功策士逾十科

履壽考作人之始瑩精拔茹孚號揚庭震

雷動而夔伏皆驚紫氣開而奎躔獨炳清

垂

清閑邈無逸之心源誘使颺言闡率先之政
本儀圖自獻敷奏未詳詎期狂瞽之言悞
蒙

特達之眷

天顏咫尺大廷喜占魁三甲榜輝煌上林驚
賜第一需雲布彩湛露凝香導迎盛京府之
陳禮燕出大官之饗冠袍載錫都儒者之
至榮寶錙駢頒被稽古之殊數蓋多士際

寧澹齋全集

卷之二

五

聖世薪標之弘化故有待而興卽同朝仰

皇上鼓舞之盛心宐奉身以報矣臣等草茅末
品章句豎儒寸管窺九天之高捫心竊愧
盤木備萬乘之器戴德難勝白璧勵操敢
覬容容之福黃金久許庶傾翼翼之忱伏
願

恢闡皇猷

丕釐景命

運河魁于太紫之位而興比晏清

調玉燭于重玄之居而億萬鞏固觀揚

二祖

九宗之光烈勒成三王五帝之典謨臣無任感
戴激切屏營之至

寧澹齋全集

卷之一

五

疏

請 東宮出閣講學疏

翰林院脩撰臣楊守勤謹奏爲

儲學不宐久曠春講不容再稽懇乞

聖明亟俞講期以懋元良以慰輿望事竊惟

儲官天下之大本也

儲教天下之首務也自古論有道之長必曰

豫教太子夫教而曰豫豈非以在一年當

有一年之脩在十年當有十年之積貴及

寧澹齋全集

卷之一

六

時也蓋宗廟社稷寄屬於主震之身而脩

齊治平總關切於重離之學自須月將日

執寧容一暴十寒今

皇太子輟講十有餘年矣夫失之十年猶莫

補之今日懼之今日更何望于他時此羣

臣補牘之請所以無虛歲今且無虛月無

虛日也請之而不得願望切而疑端生則

曰

呈上其以

皇太子睿質夙成爲可恃與章句可弗習與其以寫字讀書

宮中固自有學與儒臣可弗親與其以雞鳴問衣昧爽卽席起居勞與不若予之以逸與諸臣固已明著其不然而熟陳于

皇上之前矣廼

皇上猶遲遲于講期之下豈真以是三者爲意而有所未決與臣等竊謂學等之不可已也而睿哲爲甚何者周成之賢保傅是厘寧澹齋全集卷之一

七

商宗之哲訓志是賴卽以

皇上聖神天啟冲齡就傅日夕孜孜盖好問裕自用小古記之矣儻英睿而不廣之以載籍有自用之聰明無素習之間學何以不謬於前王何以不愆於成憲得失判矣此之不可不慮也臣等以爲讀習於深宮必不如參稽於旃屨何者學以濯磨德性講授之頃必先有肅然振勵之精神然後聽受真而體會至觸發變化德日益而不自

知豈可望之燕閒藉之闔寺乎况

宮中讀何書習何業分途微矣此之不可不
慎也臣等又謂

皇上予

皇太子以逸而安其體必不若予之勞而成
其德周公之告成王曰無皇曰今日耽樂
嚴之一日也盖自朝夕旻方屬之以憂勤
奈何習之以逸豫惟是經幄時臨

鸞輿蚤御未央待旦寢處不遑庶清明之氣

寧澹齋全集

卷之二

六

常新而怠荒之意自黜不然役耳目邇聲
色損益懸矣此之不可不防也昔宋臣程
頤進說謂與近習處久熟則生褻慢與賢
士大夫處久熟則生愛敬養成聖德爲天
下生靈福此亦今之炯戒矣抑臣等竊念
儲宮之講一輟十年禹惜寸陰今已無及向
使此十年者

皇上不以體弱爲解不以時寒爲解

皇太子講學常如出閣之初年說一經不知

洞晰過幾許義理年陳一史不知歷覽過
幾許事變日與端人正士相劇相接不知
開發過幾許善端成就過幾許令德今前
此已誤將來豈容再誤耶轉盼春光業已
將半時豈可復待耶今中外羣臣之請日
復一日人復一人計惟有得請而止

皇上試念此何爲者豈爲自己身名乎夫言出
于一人或可緩聽發于一時或可緩行今
至無一日不言無一官不言事之至大至
急不容一日緩可知也伏祈速下

寧澹齋全集

卷之一

九

俞旨命

皇太子卽日出閣講學以慰羣心以福萬世
天下幸甚臣等幸甚

請舉 瑞王婚禮疏

左春坊左中允兼翰林院編脩臣楊守勤

謹奏爲

聖孝永慕已深

王婚及時宜舉懇乞

亟賜嘉吉以光

國典以協羣情事臣嘗聞治莫急于禮禮以
時爲大又聞吉凶異道不得相干惟聖帝
能盡仁孝之至情權婚喪之緩急而不失
其先後之宜者誠謹之也竊惟方今

朝廷大典

皇上家庭急務無如

瑞王婚禮而諸臣連章累牘未奏

俞旨臣等有以仰見

寧澹齋全集

卷之二

十

聖心之所在矣臣等每見孝子之思親視手澤
則不能舉誦遺言則不能終誠有大不忍
者奪其中爾况我

皇上孝篤終慕方如

聖母升遐之始而諸臣槩執

遺誥爲辭竊諒

聖衷必有聞言而增痛者遲遲未舉殆謂是與
且六月擇言之

青原在

聖母康豫之日詎期昊天不惠貽

皇上以莫大之戚而時維六月正值

昭陵升祔之候卽由此自秋徂冬尚在

聖母小祥以內

諸王服朞未終以是遲遲至今豈爲失信失

慈也者乃今二月初九日則小祥屆矣朞

告竣矣而桃天之辰適與事會臣等仰見

皇上至意非惟

瑞王合禩之禮必刻期而行卽

寧澹齋全集

卷之一

三

惠王

桂王選婚之儀且次第而及尚何俟諸臣賣

擾爲哉顧惟請期已踰水泮之時六禮非

直一日之備不及今奉有

明旨更復何待能無滋中外臣民之疑議乎伏

望

皇上亟下擇吉之

命亟僉備禮之疏使天下曉然知昔之暫緩者

特以

聖慕方殷之故而今之亟行者迺爲順時遵
誥之孝也且知不行于六月者誠以守禮而亟
行于仲春者正以踐信也抑又知

皇上慈愛之心原幾微無間向特奪于中之所
不忍而今竟達于情之莫能過也遠以彰
昭代之制近以秩倫敘之常上以慰

聖母在天之靈下以廣

祥胤無疆之慶一舉而衆善集百祥臻

宗社幸甚中外臣民幸甚臣等待罪詞林無可

寧澹齋全集

卷之一

三

報稱故敢以

大典急務瀝誠合詞以

請無任隕越顛望之至

請告疏

原任翰林院脩撰今起復臣楊守勤謹奏
爲服闋赴京中塗患病母衰增懼瀝血陳
情懇乞

天恩容臣回籍調理事臣原籍浙江寧波府慈

谿縣人中萬曆三十二年進士除授今職

三十四年五月間蒙

欽差

冊封衡府邵陵王行次山東濟寧州隨聞臣父
於五月十一日病故臣具題奉

旨回籍守制至三十六年九月服滿例應赴部
候補苦緣臣母年已七十八歲素嬰痰喘
自臣父棄世哀愴增疾於三十七年四月
間病劇發厥幾至不起延醫調治至七月
始得痊可臣見母齒迫衰殘憂深風燭自
寧澹齋全集卷之一

三

禫除以後實跬步難離臣母謂臣遭際

聖朝殊寵未荅涓埃豈容內顧勉以大義促令

就道臣謹於八月初三日具文起程不意

離家漸遠寃夢不寧心脾受損陡染瘡症

懣不思食於九月二十八日行次直隸鎮

江府瘡痢交侵形神頓憊兼於當日忽接

家信聞臣母別後隨感風露前疾大舉臣

心腸寸裂寒熱徧體醫療罔効勢不可支

伏念臣本一介微賤誤蒙

皇上拔擢濫厠史局夙夜懷慚知命輕於

恩重黽勉供職敢自便其身圖但臣自昔年奉
使驚奔父喪每切終天之恨今者力疾首
塗復聞母病更懸兩地之憂臣竊傷往念
存涕淚不禁橫集痛心嚙指視息何能久
延萬一母子遠離終于不保不特下乖微
臣竊祿娛親之始願且上違

聖主孝治天下之盛心不予不臣萬死何贖伏

乞

寧澹齋全集

卷之一

三

聖慈察臣哀籲衷情非有假託容臣回籍依親
養病庶臣沉痾殘息以幸獲寧親而少蘇
而臣母床第餘生或喜見臣歸而立起則
犬馬之年並出

洪造捐糜以報當竭將來矣臣無任激切祈懇
之至

繳

節請告疏

原任右春坊右諭德兼翰林院侍講今陞
右春坊右庶子兼翰林院侍讀臣楊守勤

謹奏爲使竣趨

朝中塗病亟懇乞

天恩俯容回籍調理以延餘息事臣原籍浙江
寧波府慈谿縣人由萬曆三十二年進士
授翰林院脩撰歷陞今職於四十七年七
月初七日伏蒙

欽遣臣持

節

冊封

寧澹齋全集

卷之一

五

晉府河中郡王及繼妃王氏臣卽日就道入
境行事依禮傳

冊尅期出境隨于卽報中接禮部一本爲
冊封事奉

聖旨以後持節諸臣毋得一槩令人代繳欽此
臣惟恪共任使乃臣子大義自應竭蹶赴
京復

命繳

節且

明旨方嚴奉行宐益凜凜臣雖至愚敢輒託詞
儉安以干罪譴緣臣素稟虛羸奄奄善病
嚮者持

節入晉冒暑亟行跋涉關隘之險衝襲雨雹之
氣此固詞臣職分不足稱勞而弱體支吾
已滋其疾隨苦寒熱併侵怔忡繼作沿途
療治畧無寸効又適聞長子以病暴殞臣
驚怛殊深疾勢轉劇眠食漸減形神頓耗
沈綿至春伏念簡書可畏寧免逋誅中夜

徬徨五內焦灼以致邪熱上攻積成眩暈
然猶強起就道日望痊可庶得瞻詣

闕庭奈行次直隸蘇州府連厥數次彌時始甦
雜延醫生診視咸謂心神受損中氣大傷
漸有危候之慮矣今且氣息僅屬肢體如
削濱死道塗朝不保夕不得不以萬苦之
情控籲於

君父查得萬曆四十七年右春坊右贊善彭凌
晉曾以中塗患病仰荷

天恩寬限趨事臣事例相同而子死病危情尤
慘切罷馬遭蹶而悲鳴哀猿哭子而腸斷
臣之披瀝兼茲二痛卽道路聞之猶爲矜
閔矧

皇上天地父母生臣育臣者獨不垂憐而曲宥
之乎伏乞

聖慈鑒臣情非假托

賜臣回籍調理萬一草介餘生不至遂填溝壑
則自今以往之年皆臣頂祝

寧澹齋全集

卷之一

七

洪造矢報捐糜之日也臣無任激切哀祈之至
爲此具本差義男楊珍齋捧

御節赴

闕進繳謹具奏

聞伏候

勅旨

程表

擬

上視朝畢御武英殿與侍臣語及禮記月令因
諭政貴以時脩舉與實惠及民謝表

宣德五年

萬曆乙卯科順天鄉試

伏以

聖德勅天元氣酌斗杓而竝運

皇心溥物至仁協星紀以誕敷

典學益勵于日新

寧澹齋全集

卷之一

天

稽古爰厯于歲省

闡遺言以垂訓雲漢昭回

圖實政以康時膏濡湛液輝生二戴感切羣

黎臣等誠惶誠恐稽首頓首上言竊聞天

人之道雖殊象類之理則一故伏羲作三

畫以形才體而炎帝列八節以創農功少

皞定分至之官黜司啟閉高辛合日月之

朔昭示送迎從茲受命推元敬授之典斯

肇相與明時作曆浹辰之教漸開璣衡鍾

石定虞廷堯正更爲舜載經紀星辰歸太
史月令起自周官記禮與王制聯篇經國
繫民生切要斟酌三代而行夏淵源上古
以通今日在星臨觀出作入息之象回天
始數標發泄秘藏之期按五行之端配聲
色臭味以空大事循四時之柄均木火金
水以寄中央禽鳥得氣之先不遺振蟄躋
降成冬之後猶記入冰上籍天時下該庶
績故季月則嚮明太室而孟春輒沛澤青

陽人道生寅德惠必施兆姓明堂答午厚
正惟以前民躬親祈穀勸蠶憂先凍餒賑
貸孤存老養慮切安懷慶賞刑威惟順生
陽肅殺禮樂征伐悉中興除磔攘弘收俊
傑賢良承宣攸任再正權衡度量關市靡
爭靜事晏陰必曰戒而容止用牲禁牝猶
云毋殺孩蟲秩祀豈諂神靈祗緣福國號
令勿大田獵總慮妨農衆庶無侵廉井泉

池澤之賦內外有衛謹門閭城郭之防鼓

舞始于上辛休息終于大蜡綱維盛治信
屬芳規慘秦法之如苛嗟漢治之雜霸歲
首擅易歷數徒躬汲冢周書民事空傳赤
簡淮南時則塵言無補蒼生當建武太初
之更寬大之詔雖切在元初陰陽之舉犯
和之禁虛嚴方士環爐不問閭閻爨燧九
成避暑安知猷猷病畦氣候編入曆中何
裨魏政斗建紛爲解辨無取唐文首篇升
自御刪適陋明皇之多附會要旨陳于講
蓋伏遇

寧澹齋全集

卷之一

辛

皇帝陛下

明一統天

通三御極

誕膺堯曆繼離照以

撫昌期

允執舜中體乾元而光

藝祖

致齋以虔

郊祀親勉神厨如在以格

先靈述追尼訓節當

萬壽勿易上丁之舊章

躬揀三推更察田子之繁苦

命塞礦金多穴利孔必嚴

止賀含譽景星豐年爲瑞

倚蘭成操禮賢聘士先聲鈿禾

寧澹齋全集

卷之二

三

載歌發粟行糜至意

念一人對隅一坐不樂求言殊切痲痺

諭獄不可縱尤不可偏平訟務存忠厚

推曆象于謨典天道首明

竟書法于春秋

王綱掌運乃當祝融之司令特軫溽暑之方隆

六陽極而一陰生忍令驕伏温厚成而嚴

凝兆慮弭災殃輒從

殿陛轉金鑿復

御武英開寶幄

語垂世立教之記及

敬天勤民之方謂古聖垂衣咸灑無荒之戒而
上仁徧被式宏布愷之思若稱兵勗衆之
乖和爲勸農耒便講武惟上觀下察之弗
爽懲叢挫務勅幾康雖總章玄堂之制久
湮要取居中德政况關雉麟趾之意猶在
凡期施德及人秘宜適孟仲季之常匪從
粉飾休咎合歲月日之省豈事彌文春行
夏秋行冬每緣人事爲感召朝而施暮而
訖必繇實意大敷施

赫奕明謨呼吸直通無告

輝煌文命饑溺不啻若身蓋

聖學與韋布不同奚止經函腹笥而

睿慮徹窮簷罔間允茲化在心維彼前席之問
鬼神可憐半夜卽大舖以協羣下未泯全
恩孰有

鴻猷遠大拳切二天如我

皇上者也臣等識讓鄭玄傳披陳濬循玉琯而
知正朔吹無鄒衍之和風儀銅渾而窺曆
元愛乏趙衰之冬日共飭

國典而論時令幾經桂月榆星競趨

輦轍而參御間素沐

油雲沛雨聊爾尋章摘句何能因事納忠聆
聖誨之諄諄行見萬里陽春盡回幽谷想

宸衷之穆穆漸看三秋明月徧照逃亡敢不詳

寧澹齋全集

卷之一

三

察下情播宣

上德如蟲生腐草各抒一點之明見澤納葦材

勉効微長之用榮際

耳提面命分知日就月將伏願

宵旰惟勤

始終弗替

罔以怠荒拂百姓惜禹寸陰

克用寬仁孚兆民解湯三面

視民由已出入一奉天休

與物皆春游行悉行王道則

興衰補弊庶理無廢閣之虞而解慍阜財萬載洽熙恬之化臣等無任瞻

天仰

聖激切屏營之至

程策

持恒

萬曆乙卯科順天鄉試

聖人在宥其運世而不運于世乎運于世者情爲物遷而盛衰脩短一任其數之必

寧澹齋全集

卷之一

五

極則我常尋于靡究靡屆之途運世者情以道御而緝熙丕續每制于數之未窮則我常立于恒久不易之所何也帝天之命天下之情是也天下之情一人之情是也一人頗僻其情何以固天下于蕩平一人繆戾其情何以範天下于正直夫旣不能躋天下于蕩平正直而壽富康寧福於何有惟聖人虛中以握張弛動靜之原灼幾

以神搏挽維防之用我無私愛憎以天下

之愛憎爲愛憎我無私喜怒以天下之喜
怒爲喜怒其酌剛柔而出之也調四氣以
衛一生節宣劑量歸于善攝而未始無情
也其舉偏畸而化之也奠中央以制四方
樞旋轂轉因應不窮而未始有情也植之
上爲恒德而卽爲歛福之宗錫之下爲恒
治而卽爲永命之要祐之天爲恒嘏而卽
爲悠久無疆之運故易曰聖人久於其道
而天下化成範曰皇建其有極歛時五福

又曰惟時厥庶民于汝極錫汝保極夫持
恒與保福道固無兩也蓋嘗觀象于恒剛
柔定位至不易矣而雷風相助動順相應
何有常也巽終而震始之震終而巽始之
何不已也无貞无以起元不靜不可爲動
而天地之心見焉盈極微虧退極微進而
天地之幾見焉其道顯明其運不忒而蕩
平正直之象見焉日月得以久照四時得
以久成聖人久於其治準諸此而已故有

圖之既衰者亨于屯傾于否幹于蠱反于剝而窮而後變斷而後續其進而之恒也猶在可知不可知之界有制之方盛者泰傲隍豫防冥豐憂中濟戒濡而存于未危綿于未絕其因而持恒也直爲無久無不通之常蓋爲不可恒于不可恒之時者于勢逆于幾難爲可恒于可恒之日者於勢順于幾易由于百世之後等千百世之前主德隆替壽年國脉之短長揆厥所自若

寧澹齋全集

卷之二

三六

合符契可覆說也洪惟

二祖統天

列聖闡繹德福之隆覆隻千古固已值恒之數矣嗣我

皇上以

英明神聖

繼天立極纘服凝禧日新月盛之休重熙累洽之慶洵莫罄其揄揚者竊嘗通四十三年

而妄計之

大廷臨御聽斷必親疑于動矣而庶司布列任人故逸則未始不靜也

深宮久攝大權內攬疑于弛矣而衆務時脩京觀屢築則未始不張也體統正而

朝廷尊

孝慈止而倫常定

諸王之封婚有序

元孫之冊立有期非恒之不易乎

慈寧御而羣疑釋姦醜戢而善類全

寧澹齋全集

卷之二

三七

賑恤之實惠時頒

解網之弘恩時布非恒之不已乎肆今

宗社有苞桑之固於世爲泰天人協桴鼓之應

於情爲豫有大而亨則當豐中之運震虢

無警則爲旣濟之時謂非履恒之極盛極

盛者哉而識者猶思爲持恒計也則請以

臆對夫世不制于數而制于情情不制于

心之變而制于心之常今夫動物莫疾乎

風撓物莫疾乎雷然非主之以健則震於

何出異於何齊烏能相薄而不悖而乾坤
六子都無生物之功人之有喜怒愛惡情
也卽心之風雷也雷奮則萬物出潛則萬
物入出則興利入則除害爲人君之象而
風則噫氣竅號煦爲春夏肅爲秋冬人君
法之以順八風和四氣是故以賞善罰惡
弘其雷厲以彰善瘅惡鼓其風聲以賞罰
彰瘅試之一一批卻導窾及解中會而太
公之體自若亦如雷風相薄怒不崇朝收

不逾時而清寧之體自若故程子曰天地
之常以其心溥萬物而無心聖人之常以
其情順萬事而無情夫無情之情威福不
私僭濫不作而偏黨反側之端自銷意無
旁出權無旁假而蕩平正直之化自協故
能久於道而不窮有情之情毗于柔以爲
順而虞屑越也燎庭久撒環召希聞冠虎
恣行吞舟幸漏玄黃莫定于蝸角需次屢
困于觸籬則順旣未可爲常毗于剛以爲

動而虞蹈厲也淵察矜智川壅爲防竭澤
不蠲齒馬必黜泰山有易壓之勢迅雷無
旋霽之威則動亦未可爲常時弛之以爲
絀而漸且轡委矣漸且叢憑矣探驪龍之
頷而攫之珠者有所乘也則弛而不可久
也時張之以爲競而又慮絃急矣又慮狐
假矣當昆岡之災而助之燄者有所沃也
則張而不可久也故善持恒者必治其情
善治情者必一其慮善一慮者必審其幾

情者事之樞也慮者情之紐也幾者慮之
端也平陂之數不可知而通塞之端可知
不曰上下必交以大裁成其方不易乎則
用同人之克擴有解之孚以消否于泰有
恒泰矣成渝之數不可知而愉怫之端可
知不曰刑清民服以崇殷薦其方不易乎
則用益之遷爲旅之慎以防蠱于豫有恒
豫矣家已訖而後求明孰與去障去沛之
久照則用離之麗繼晉之昭以撤蔽之端

斯幽滯畢達而屯膏無吝其豐可恒也舟
已鏐而後求禡孰與五覆五反之久涉則
用損之窒大渙之號以杜溺之端斯不虞
以戒而剝牀無凶其濟可恒也蓋振終无
功聖人特致意焉而揚敬仲釋之曰必如
孔子自志學至不踰矩其德純一功乃大
成此不息則久帝王無逸心法也昔

太祖每念賞罰大柄惟恐愛憎忿戾以乖公正
而又夙興宴罷日慎一日常慮懈心一生

寧澹齋全集

卷之二

四

百事皆廢以此思恒恒可知已卽

皇上之練而熟于斷也謂非初年親政之所致
乎是在持循之有常已爾

成祖謂刑賞不可或濫必推至公毋有所徇而
又且興靜坐思事必得當稍暇卽覽閱經
史未嘗少逸以此思恒恒可知已卽

皇上之睿而當于理也謂非初年典學之明效
乎是在熙緝之有常已爾大氏立心勿恒
者情倏忽而靡定已先失其御極之樞故

浚恒固凶振恒亦凶也立不易方者情鎮
定而有常每默神夫建極之用故巽順固
恒震動亦恒也何者情苟偏也浚于初猶
可挽履錯之愆振于終且盡虧全盛之業
而寢衰寢薄我遂浸淫于世數之密移德
替則福與之俱替也情誠一也巽以順既
可養和平之福震以動亦可收永清之功
而彌熾彌昌世已締結于皇衷之密禪德
隆則福與之俱隆也夫人主患不能恒耳
業已久道化成履恒之盛而何難體天行
健持恒之終慎斯道也會極歸極之風壽
富康寧之祉卽與天地同無疆可也愚故
始終以易象洪範之說進

民風主德

萬曆乙卯科順天鄉

蓋世風醇醜之故主德翔洽之機可得而
言已凡德在中心而風行天下其顯而易
見者爲紀綱法度之粗其微而難知者爲
中心無爲守正之精自古有脩事治之朝

德惟政政在養合之惟和惟敘惟歌分之
用休用威勸俾勿壞夫是以從欲風動罔
干協中垂爲萬世之求賴而靡非帝德之
廣運此其故可思也有周盛時尤加意化
原於是有人統之馭焉自親親敬故以逮
于達吏禮賓有九職之任焉自生穀阜財
以逮于閒民轉移執事而又十二邦教之
頒不領之宗伯而領之司徒此無異故民
之不淑非其性然無常職者必多越思有

滯材者必逞機械而無所保其安土之仁
者必難導以愛物之善自司徒以五會辨
物生而民物順以土宜辨十二土與十二
穰而民居宅稼穡教以土均辨五物九等
而地征均以土圭測日景求地中而民極
定如是而地利得矣惟土受物心有弗臧
乎心旣臧矣安土厚仁有不相愛乎爾德
教沛然太和在宇宙所從來矣自九職失
而民有五畫之嗟八統弛而國受三游之

害而紀綱法度又蕩然斷梗於是淫靡成風流移載道比其甚也大車大夫以刑政治之而卒無揀于敗浸淫以至于秦極已漢興承陋習故耨粗德色時見閭閻睚眦殺人橫行郡國雖有雄略之主族誅大俠明察之尹鉅筭搜姦強項之令犯貴按罪而賦東京者猶有孰與同履法度翼翼濟濟之譏則江左而下無論矣要之風俗澆漓何代蔑有將諉之時則書何以稱克敬典在德時乃罔不變將諉之習則記何以云上有好者下必有甚焉者安在其江河而不可挽也我

國家迅掃行禽蕩滌腥土德教大行民樂更始俗化之美漂虞軼周猗歟盛矣迺今熙洽旣久化瑟尚寬卽以

王畿首善之地而徑竇叢生姦軌錯出蓋帝飾后服啻稽詬誅賈詒所謂舛也僞亂俗私壞法放越軌奢敗制苟悅所爲患也而

今且有什伯此者服奇而淫日新月異靡
裒擬干振旂綴冠埒于絢玉甚則繡紋不
羞妖冶楮黃不避乘輿非直不衷且至亡
等矣蓮社公行緇黃充斥男女溷居已叛
別途之訓晨昏聚散莫詰詭秘之踪非直
傷化且釀隱憂矣市井駟僮冒支帑物視
如糞土揮若泥沙甕牖而享崇臺白徒而
濫青紫所謂姦而破冑亦大剝膚矣家開
鬻爵室造斜封篆可盜亦可僞官可詐亦

可贖名器弄之掌股律例等于弁髦所謂
黠而犯科幾奪王鈇矣人奴市魁賺國課
之入手廁緹騎之名班輿臺擁呼碎除賊
赫而胥椽峩冠輕肥摩擊所謂僭而行罔
不勝倒置矣至若子衿棄絰結之行而矜
佻達之習家負充宗之彥人効謫仙之狂
未成誦而擬行卷以碎琴甫含毫而誇騷
人于汙竹則競而不恬亦頑而鮮恥矣又
有似士非士者駕言山澤曳裾朱門脂韋

王侯柳榆月且攀附恭顯翻覆風波時指
宮中之溫樹時荅江南之米價妄牽洛蜀
之線索隱搜政府之金籠奚止橫而俠實
畸而險矣又有似俠非俠者藐公家而不
赴急私諾以必伸輕生踵擊筑之風嗜利
深挾七之計寧爲亂刑之民戎疾之首矣
凡若此者生不敢謂司徒之教失與九職
之任虧也其所以致此者有二按春秋外
傳天子大采朝日日中考政小采夕日日

入監御時與公卿聽脩而後卽安正歲使
有司令于官府存心職業不務交游自比
閭族黨州長卿大夫各掌其政教禁令以
正月受法于司徒頒諸羣吏以序而告民
無遺善亦無隱惡相率相正姦邪自息其
不勤四職者役諸園土凡民不得妨生麗
罰安有棄捐親戚羣行方外者乎王教下
衰民不反本殷殷法法走私若鷺更相歎
揚迭爲表裏方今之弊不幸類是是故邦

畿千里懷玉者止求金者止大者盜榮寵
細者仰濡沫最下則逃尺籍適罪罟者亦
止通衢莫辨牛蛇暗室孰防狐鼠其易于
藪姦一也長安甲第鱗次雲駢豈無邑子
門人難盡法者一夫犯患百足求援曹丘
有頰蘇章不患無天介弟善藏李膺未由
破柱其難于鋤姦二也然則將任其鴟張
魚漏已乎抑嚴刑峻誅以威之乎夫伯夷
禮官所秩者典而折民惟刑臯陶刑官所

制者刑而教民祇德聖人所重在此不在
彼故賈生曰法之爲用易見禮之由生難
知荀令曰教化行引中人于君子之塗教
化廢推中人于小人之域而議者徒謂有
鑄刑書之子產斯浮麥可回有誅一錢之
乖崖斯黥胥可讐遂慨然慕大車之理夫
不飭其導之者而徒峻其威之者天且先
秋而後春乎以今天災流行困窮交迫而
欲民無轉徙胡可得也旣已轉徙矣而

輦轂之下欲無錯處胡可得也既已錯處矣
欲無相比周胡可得也不寧惟是奇巧未
技商販鑽刺之徒形佚樂而心懸愆志苟
得而行淫侈彼見上之人有服駟華履金
綦而能無炫奇麗乎見簪組而敦戒業巖
廊而修冥福而能無崇異教乎見吏以賄
通網以賂脫奉貨行賂者得自固結求志
屬託者得規倖進而能無營逐媒每乎見
非游揚無以立名非標榜無以賈售非感

慨激烈無以動權貴希翦拂而能無講偶
時之說譚擊劔之術乎蓋風行草偃水隨
器方圓不直木而影不能無曲皆善喻也
無已則請崇申鑒之五政可乎是故興農
桑以厚其生則蠲搜括之條除剝噬之慘
節非時之役省耗用之工斯土利周而人
樂業矣審好惡以正其俗則隆卑宮之化
敦素絲之風停金碧之規黜黃白之術則
趨嚮端而奇衰息矣宣文教以章其化則

明經常之行治彝敘之情別貴賤之途脩
退讓之節斯率履莊而民視發矣立武備
以秉其威則宿衛之于楯必戢禁地之關
入必嚴關市之非常必譏金吾之宵禁必
謹斯姦萌寢而寇虐遏矣明賞罰以統其
法則正直勿以微瑕蒙譴忠讜勿以一眚
永遺毋先燥競而後恬愉毋啟苞苴而開
倖竇斯勸懲昭而國恥振矣如是而復脩
周官之保甲以清雜處之弊如是而猶不

率始囿之園土寘之比附以懲之庶游閒
歸于執事四民各安其所而俗化猶可瘳
也乃悅之言又曰承天惟允正身惟常任
賢惟固恤民惟勤明制惟典立業惟敦而
歸于無爲爲之使自施之無事事之使自
交之旨哉深于中心守正之精矣人亦有
言王畿四方之倡而士又四民之倡薦紳
大夫尤士之倡也至本原之地惟在

朝廷夫欲追風動之休洽太和之治在加之

意而已不此之務而慕毳衣之軌是向者
東京所譏聖人不由君子不尚也

寧澹齋全集

卷之二

四九

